



Atzo 180 maxkuri autsi zituzten axeri dantzan sokan zijoazten gazteek. Ez eman gabe!

Sardina erreta bukatuko dira gaur inauteriak

■ Ekitaldia Gudarien plazan egingo da arratsaldeko 18:30etan ■ Atzo, neska-mutil gazteen axeri dantza izan zen protagonista nagusia, eta eguerdian Potxin eta Patxin pailazoek gozatu zituzten umeak.

OSTIRALEAN hasi eta gaur bukatuko dira Hernaniko inauteriak, etenaldi luze baten ondoren egin diren 25garrenak, hain zuzen ere. Arratsaldeko 18:30etan hasiko da sardinaren entierroa Gudarien plazan, eta lutuzko prozesioa atzetik dela Kardaberaz eta Kale Nagusitik buelta egin on-

doren, plazan erreko dute. Iaz, txapapote arrastoak zituela etorri zen sardina, eta ikusteko dago aurten zer ekarriko duen.

Gazteak axeri dantzan
Azken 15 urte inguruan bezala, gazteen axeri dantza izan zen atzoko ekitaldi nagusietakoa. Txistulariek la-

gunduta eta axeri zaharren erakutsira, sokako 16 neska-mutil gaztek eta axeriak gozatu ederra eman zieten kalean barrena zebiltzan gazte eta helduei. Urtero koadrila berria izaten da eta gaztek ilusio haundiz hartzen dute axeri dantzako protagonista izatea. Ekitaldiak iraun zuen

ordu eta erdian Kaxkoan ez zen hotz haundirik, 180 maskuri behar izan baitzituzten denak gustora uzteko.

Axeri dantzaren ondoren, Potxin eta Patxin pailazoak izan ziren Biteri plazan. Arratsaldean, erraldoi, buru-haundiak eta Hortzmuga taldeak berotu zuten giroa. □

Askagintzak gazteentzako formazio ikastaroa antolatu du sexualitatea eta drogei buruz

ASKAGINTZA taldeak formazio ikastaroa antolatu du droga eta sexualitateari buruz eta izen ematea zabalik dago. Ikastaroaren helburua da prebentzioan, gizarte lanean eta gizarte hezkuntzan sakontzea eta gazteei begira dago antolatua. 30 orduko ikastaroa da, eta astelehena bitartean dago izen emateko epea, Askagintzan, bertan edo 943 336080 telefonora deituta. Astelehen arratsaldean bilera egingo da 17:00etan Askagintzan, interesatuta daudenekin, zer ordu eta zein egunetan eman erabakitzeko. □

Karobi elkarteak igandean egingo du batzar nagusia

KAROBİ elkarteak igande honetan, hilaren 29an, egingo du batzar nagusia. Batzarreko gai ordena da: aurreko asanbleako akta onartzea, 2003ko balantze ekonomikoa irakurri eta onartzea, Zuzendaritza Batzordea aldatzea, bazkideen altak eta bajak eta eskariak eta galderak. Batzarra 9:30etan da Karobi elkartearen. □

Hitzaldia bihar Urumea ikastolan

URUMEA ikastola hitzaldi ziklo bat egiten ari da 2-12 urte arteko seme-alaben garapenaren inguruan. Hitzaldien helburua da seme-alaben garapenaren ezaugarriak ezagutzea, euren autoestima sendotzeko. Gaur garapen afektiboari buruz hitz egingo du Jose Amiama psikopedagogoak. □



Inauterietako herriko hainbat irudi: Ordenadorez mozorrotua, gazteak xexenetan, zakurra mozorrotua eta axeri dantza.

ALTZUETA
TOLARE - SAGARDOTEGIA

www.altzuetasagardotegia.com

Altzuetasagardotegia S.L.
Osinaga Auzoa, 7 • 20128 Hernani
Tel./Fax: 943 55 15 02
e-mail: altzuetasagardotegia.com

Asteartetik
Larunbatera
irekita

MINER
JANARIDENDA
Denda ixten
dugu.
Likidazioak otsailaren
20tik aurrera.

Hainbat tresna salgai:
- Mural frigorifikoa
(motorra kanpoan dijoana)
- Arkoi Konjeladore bat
- Kortadora
- 2 pixu (1000 PLU memoriarekin)
- Zintzilikatzen den pixua
- Estanteriak egurra, ispilua eta
argiarekin eta normala argiarekin

INFORMAZIO GEHIAGO
943 55 01 36 - 699 82 91 98

LARRE-GAIN
TOLARE-SAGARDOTEGIA

☎ 943 55 58 46
EREÑOTZU - HERNANI

Zatoz sagardo
berria edatera!

Sagardo naturala urte osoan botilan salgai

-Asteartetik igandera
zabalik
-Ostiral eguerdian
enkarguz

Gurasoentzat ikastaroa seme-alaben partehartzea eta ardura lantzeko

■ Ikastaroa Hernani Institutuak antolatu du eta astelehenero izango da, maiatza arte ■ Izena emateko epea hilaren 26an bukatuko da: 943 551958.

HERNANI Institutuak gurasoentzat ikastaro berezi bat antolatu du seme-alaben partehartzea eta ardura lantzeko bideak emateko. Martxoaren 1etik maiatzera iraungo duen ikastaro honek lau helburu nagusi ditu: 1) Lanean eta familia bizitzan seme alabak parte hartzea motibatzeko estrategiak landu, 2) gurasoen komunikaziorako gaitasuna eta jarrerak hobetu elkarkidetzan eta errespetuan oinarritutako bizimodua hobetzeko, 3) familiako erantzukizunen desarroiloan oinarritutako autoritatea eta demokrazia baloreak bultzatu, eta 4) erantzukizuna lortu nahi denean eguneroko egoera konfliktiboekin konstruktiboki aurre egiten ikasi.

Astelehenero, 18:00etatik 20:00etara Biterin

Gurasoei zuzendutako ikastaroa astelehenetan izango da Biterin eta denera 8 gai konkretu landuko dituzte: familia lana, familia ardurak, seme-alaben partaidetza, komunikazioa familian, erantzukizunaren kontua, familiako gatazkak nola konpondu eta abar. Ikastaroa datorren astelehenetan hasiko da eta gaia honako hau izango da: *Familia lana, ikusezina ikusgai egin.*



Hernani Institutuak emandako hitzaldietak bat Biterin.

Era praktikoan

Institutuak adierazi du programa era praktikoan eta talde dinamikan egiteko antolatuta dagoela. Horretarako, 15-25 pertsonako taldeak osatuko dira. Bi orduko saioak izango dira eta lehendabizi gaiari buruzko

sarrera egingo da, bigarrenetan ekintza praktikoak eta azkenik ondorioak bildu, hurrengorako etxeko lan eta guzti.

Matrikula 30 euro da pertsonako eta taldea osatzeko izena emandako txanda errespetatuko da. □



Hernani Ako lau jokalarri, orain bi aste Hernanin jokatutako partidari.

Hernani Ak irabazi eta Hernani Bk galdu

XAKE partidak izan dira joan den asteburuan eta lehen eta bigarren taldeak emaitza oso desberdinak lortu dituzte. Hernani Ak 3,5 eta 0,5 irabazi dio Gros E-ri. Fernando Esnaolak, Mikel Apezetxeak eta Jesus Navascuések irabazi

egin dute eta Harkaitz Bereziartuak tablak egin ditu. Honenbestez, Hernanik sailkapeneko goikaldean segitzen du eta mailaz igotzeko aukera haundiak ditu.

Bestalde, Hernani Bk 0,5 eta 3,5 galdu zuen Fortuna

Bren kontra. Tablak Txema Orellanak egin zituen eta Joseba Goikoetxeak, Magi Ijurkok eta Iosu Arrietak galdu egin zuten. Hernani B-ri igotzeko aukerak asko zaildu zaizkio Fortunaren kontrako partida galdua. □



Matilde, senarrarekin eta Elizatxo Elkartearen lehendakariarekin.

25 urteko lanaren saria

ELIZATXO elkartearen 25 urte garbiketa lanak egiten arituen Matilde omendu zuten den ostiralean. Matilde jubilatua egin da eta Elizatxo elkarteak 25 urte hauetan egindako lana eskertu nahi izan dio. Hori dela eta, elkarteak

urte hasierako batzarrean erabaki zuen Matilderi eta bere senarrari Tenerifera joateko bidaia oparitzea eta omenaldi afaria egitea. Afarian bertan eman zizkioten bidaiarako txartelak eta baita lore sorta eder bat ere. □

■ HITZ BITAN

✓ TXANTXANGORRI ELKARTEA

Mus txapelketa. Aste honetan ere Txantxangorri elkartearen mus txapelketako partidak jokatzen ari dira. Gaur, M. Loinazek Pablo Ruizen kontra jokatuko du buruz buru eta B. Goikoetxeak Joxe Etxarriren kontra. Bi bitara Pako-Patxo/Carlos-Javiren kontra eta Goñi-Bilbao/Joseba-Rafaren kontra ariko dira.

✓ ASTIGARRAGA

'Hitz Desehortzia' pelikula. *Hitz Desehortzia* pelikula botako dute gaur Astigarragako kultur etxean, arratsaldeko 20:00etan. Asteatero ari dira pelikulak botatzen "ixiltasunaren aurka" kanpainaren barruan. Gaurko pelikulak Guatemalako gobernuak eragiten zituen 200.000 indigenen heriotza kontatzen du eta bizirik ateratako *maya* baten historia. □

ZERBITZUAK

☎ TELEFONOAK

- ▶ Taxiak: 943 550093
- ▶ Udaltzaingoa: 943 333288
- ▶ DYA: 943 464622
- ▶ Autobusak: 943 556662
- ▶ Anbulatorioa: 943 006666
- ▶ Jokalari anonimoak: 943 331103

☎ FARMAZIAK

- ▶ Eguez: Etxebeste Elkano 2 ☎ 943 552087
- ▶ Guez: Etxebeste Elkano 2 ☎ 943 552087

IRAGARKI MERKEAK

Itziarroyo Masajista. Masajista, naturopatia, akupuntura, ajuste neurologiko eta bertebra, reflexologia, auriculoterapia, ...: 943 33 28 94 - 626 80 76 33 (Sta Barbara 42)

Pisua salgai Elkano kalean. 3 logela, sukaldia, sala, komona, trastero txikiak... Erabat amueblatua. Prezioa: 222.375 euro. Deitu: 699 46 14 90

Etxea salgai Latxunbeberri. Ezin hobeto. 105 m2 erabilgarri + terraza 30 m + jardina 60 m + trastero 12 m2. 55.500.000 pta. Garaje itxia 3.300.000 pta. Tel: 651 70 88 84

Allianz (li)

ASEGURUAK
Agustin Ezponda
AGENTZIA

Tel.: 943 557 326
656 735 109

Irakasle bat behar da

akademia batean

DBHkoei klaseak emateko

☎ 943 336090

OINDI



taberna

NAGUSIA, 25

HERNANI

943 557 509